


LIGAR

FUELHA D'INFORMACION

I.E.O.



R.P.

Capdaua : Pèireta DAUJAM
9, carrèra Flatters
75005 Paris

NUMERO 8

MARÇ DE 1983

TAULEJADAS

A causa de las vacanças de Pascas avem pensat, qu'èra ^{pas} melhor far una taulejada lo darrièr dissabte del mès de març. Mas avem pas poscut trapar una sala per una altra data. Dempuèi de temps cercan una sala amb los meteis advantages qu' aquela de la carrièra Linné, mas que serià mens cara. Finfinala avem trobat una sala : 17, Car. de l'Avre 75 015 Paris, metro : La Motte-Piquet.

Serem uros de vos i aculhir per la taulejada venenta : lo 16 d'abrial a partir de 6 oras del ser. Nos cal laisser la sala avant mieja nuèit. La lòcacion d'aquesta sala es pas tròp care, vos pregan de respectar las installacions.

C-A

Lo conselh d'administracion de l'IEO-RP s'es recampat en lo dimenge 27 de febrìer : lo bilanç de totis los sectors es estat fait; aquo's lo sector de la recerca que ven de definir los projectes d'estudis qu'a lo mai interessat lo C-A.

Lo C-A a decidit, a la màjoritat, de còoptar cinc novels membres que participan activament a d'activitats de l'IEO-RP. Son : Luceta Bayle, Maïte Bouyssi, Marisa Cayssials, Martina Sancet, Francesa Tarral.

J-Louis Bordes qu'òcupaba las fonccions de secretari general es tornat al país. Es remplaçat per Nicola Bornes 85 Car. de l'Ourcq 75 019 Paris.

Lo C-A torna diser a totis los membres de l'IEO-RP que podon assistir librament a las acampadas (amb votz consultativa unicament). Per conneisser las datas, telefonar en çò de Nicola : 209-22-31 (lo ser) e 296-77-10 (dins la jornada).

TEATRE

Los que volon far de teatre o tornar far de teatre podon contactar Claudèta Reboul 540-03-71 a las oras de burèu que vos balharà totas las entresenhas.

INFORMACIONS GENERALAS

-Lo trimestre que ven, a l'Universitat de Paris VIII (St-Denis), Felip Martel farà un cors sus : l'istoria de l'occitanisme, lo dimecres de 19 a 22 oras.

-Domenge Alibert festeja sa 10a expausicion amb una restropectiva sonnada : Mescladissa. Aquelas fotos son estadas presa un pauc pertot en Occitània de Provença fins a Lemosin. Se debanarà del 7 d'abrial al 11 de mai, a l'ACNAC 5 Car. Amyot 75 005 Paris de 9 a 12 oras e de 14 a 18 oras, cada jorn del diluns al divendres.

-A partir del 22 de març la biblioteca d'Epinay-sur-Seine organisa una expausicion titulada : "Camargue".

-La "Ligue de l'enseignement et de l'éducation permanente" organisa a Montpelhier del 1 al 5 de junh las segondas acampadas culturalas : "Europe-Méditerranée" consacradas a la defensa de las lengas e culturas minoritaras. Entresenhas : Guy Gauthier : 544-38 71 posta 11-95 oras de burèu.

-Las "Rencontres audiovisuelles d'expression régionale et occitane" se debanaran a Orthez (64) del 25 al 27 de març. Podretz i veser forças filmes; l'Orsalhièr i serà

presentat en avant prumièra. Per l'escasença una expausicion foto se tendrà del 21 de març al 3 d'abrial a la comuna d'Orthez.

-A l'escasença del 4enc centenari de la publicacion en biarnès per Arnaud de Salette Per Noste e la bibliotèca de Pau organisan una expausicion : "LE Béarn sous Jeanne d' Albret". Per marcar l'eveniment un catalog de l'expausicion a estat editat al prets de 30F : Per Noste , Lapassade Roger Av. des Pyrénées 64 300 ORTHEZ.

LIBRES-DISCS

Dins las edicions "A TOTS" de l'IEO venon de pareisser : "Per retenir lo temps", un reculh de tretze contes o novelas de Claudi Bellòc; en mai "La beguda de Joannes" de l'escrivan Leon Cordas que son sèt racontes e novèlas.

En soscripcion : "Lossang de las peiras" de Marcela delpastre a las edicions : lo Lebera-ubre le clozelou 24 460 Agonac; al prets de 15F.

"Quand las peiras se meten de udlar,
De udlar coma un chen malaude
Coma un enfant perdut dins la nuech,
Coma lo chen a la luna,
Coma una femna en las penas
Las ayetz auvidas las peiras ?"

"Le Renouveau gascon" BP 33 65 300 Lannemezan edita : Aquarium un conte fantastique gascon.

Ven de sortir a las edicions : "l'Estampaire 40 Car. Montmorency Seta : "Lo plag" de Max Allier

Lo gròp "Canicula" ven d'enregistràr : "Danças e cants de Gasconha" un disc de cançons popularas e de musica tradicionala interpretada amb d'instruments de las Lanas e del Bearn. En soscripcion 50F(+10F de port) J Baudoin 17 Car. del Gal de Gaulle 40 130 Capbreton.

Las edicions Ventadorn venon de realisar un disc de "Musica Barròca" amb quatre òbras per clavecin e flaütas de compositors lengòdocians del segle XVIII: J. Bodin de Bois-mortier, J. Joseph Mouret, l'anomime de Besièrs e J.J Cassanea de Mondonvila.
En soscripcion : 55F (+3F de port) Ventadorn 1 Car. de Lorrena 34 500 Besièrs.
